

simis muneribus, dignitatibus, proven-
tibus exornavit: Græcorum quippe,
quorum Cardinalis susceperat patrocin-
ium, ac Pontifex Maximus retinere
se professus est, ad extremum diem
studiosissimus vixit.

Hæc amantissimi beneficentissimi-
que Patruī Tui, EMINENTISSIME PRIN-
CEPS, magni, inquam, illius CLEMEN-
TIS, in universam Christianam & Li-
terariam Rempublicam merita, idcirco
enarranda hic mihi fuere, quod optime
intelligerem, quidquid laudis Catholi-
cus orbis, & eruditi probique Viri, tan-
to Pontifici rependerent, ad Te ipsum
merito redundare, qui & ejusdem es ex
germano fratre Nepos, & rerum in-
præclaro illo Pontificatu gestarum, una
cum fratre tuo Cardinali HANNIBALE,
non spectator tantum, sed etiam adju-
tor fuisti. Ad Tuas autem peculiare
laudes accedit, quod, literariæ rei ju-
vandæ quo ab ineunte ætate flagraſti
studio, quidquid erudita Antiquitas in
num-